



UKA 2024/53: Namminersorlutik Oqartussat, Kommunillu sanaartugassanut aningaasartuutissaanninngaanniit ukiumut 1 %-mik, pisortat sanaartugassaataannut immikkut toqqakkanut kusassaanermut aningaasaliissuteqartalernissaq, kusassaanermilu eqqumiitsuliortunik suleqateqartalernissaq pillugu Naalakkersuisut natsimmik suliaqaqqullugit peqquneqarnissaannik Inatsisartut aalajangiiffigisassaattut siunnersuut. Sanaartugassani kusassaanermi sanaartukkap silataata, iluatungaatalu kusassarneqartarnissaat matumani pineqarpoq.

(Inatsisartunut ilaasortaq Peter Olsen, Inuit Ataqtigiiit)

UKA 2024/127: Inissiani pisorta qarfiusuni Namminersorlutik Oqartussat Kommunillu sumiiffimmi kalaallit eqqumiitsuliaannik kusassarneqartartussaatilerlugit pisussaaffeqalernissaat pillugu Naalakkersuisut eqqumiitsuliornermik ingerlatsineq pillugu Inatsisartut inatsisaata allanngorteqqullugu peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu Jerimiassen, Atassut)

Siullermeerinnineq

Siunnersuutit marluk ataatsimoortillugit oqaluuserisassanngortinneqartut immikkoortoq 53 Inatsisartunut ilaasortap Peter Olsen, Inuit Ataqtigiiit siunnersuutaa taamatullu siunnersuutip aappaa immikkoortoq 127 Inatsisartunut ilaasortap Aqqalu C. Jerimiassen Atassut siunnersuutaa ataatsimut oqaluuserisassanngortinneqartunut siunnersuuteqartunut qujassuteqarluta siunnersuutaannut Naleqqamiit imatut oqaaseqaateqassaagut.

Siunnersuut siullemq immikkortoq 53 taasissutissatut qulequtserneqarsimasoq Namminersorlutik Oqartussat, Kommunillu sanaartugassanut aningaasartuutissaanninngaanniit ukiumut 1 %-mik, pisortat sanaartugassaataannut immikkut toqqakkanut kusassaanermut aningaasaliissuteqartalernissaq, kusassaanermilu eqqumiitsuliortunik suleqateqartalernissaq pillugu Naalakkersuisut inatsimmik suliaqaqqullugit peqquneqarnissaannik Inatsisartut



aalajangiiffigisassaattut siunnersuut. Sanaartugassani kusassaanermi sanaartukkap silataata, iluatungaatalu kusassarneqartarnissaat matumani pineqarpoq.

Namminersornerullutik Oqartussat, kommunillu sanaartugassanut aningaatuutigisartaannit ukiumut 1 %-imik pisortat sanaatugaattaannut eqqumiitsuliortortatta suliaanik kusassaanermut aningaasaliisuteqartalernissaq qaqqinneqartoq soqutiginaateqarluinnartut Naleqqamiit nalilersorsimavarput.

Aningaasatigut sinaakkutaasut qiviaraanni 2024-imi Namminersorlutik Oqartussat Kulturikkut, ilinniartitaanikkut, isumaginninnikkut, peqqinnissaqarnikkut aammalu inissialiornermut sanaartugassanut 359 mio. kr-nik aningaasaliisuteqarput, taakkulu taamaasilluni 1 %-iat 3,6 mio. kr. it eqqumiitsuliortunut aningaasaliisutaasartunngortussaapput siunnersuuteqartup siunnersuutaa amerlanerussuteqarluni tapersorsorneqassappat tamannalu uagut soqutigalugu tapersiiffiginissaa pingaartillugu peqataaffigerusupparput.

Taamatuttaaq Kommunit 2024-mut missingersuutaanni sanaartugassani atuarfeqarnermut tunngasuni katillugu 91 mio.kr. missaannik aningaasaliisoqarsimasoq takuneqarsinnaavoq, taamasillunilu taakku 1 %-ia 910 tusind kr. missaani annertussuseqarpoq. Taamaasilluni ukiumut eqqumiitsuliortut atugassaanik 4,5 mio kr. missaani aningaasaateqarfimmik peqarluni periarfissaqalernissaq anguneqassaaq.

Siunnersuutip aappaa Atassummiit Aqqalu C. Jerimiassen saqqummiussaanut taasissutissartaa Inissiani pisortaqarfiusuni Namminersorlutik Oqartussat Kommunillu sumiiffimmi kalaallit eqqumiitsuliaannik kusassarneqartartussaatilerlugit pisussaaffeqalernissaat pillugu Naalakkersuisut eqqumiitsuliornermik ingerlatsineq pillugu Inatsisartut inatsisaata allanngorteqqullugu peqquneqarnissaannik Inatsisartut aalajangiiffigisassaattut siunnersuut saqqummiussaa siunnersuuteqartup siulianut naapertuuppoq assingullunilu, kisiannili allaassutigalugu inatsisiliornissaq pisussaaffiliisussaq pineqarpoq aningaasalersornissaanullu toqqaannaq malitsigisaanik siunnersuut imaqarani, taamaakkaluartorli siunnersuutit qaqqilerneqartut imminnut ikorfartoqatigiittutulli ittut Naleqqamiit tapersersorpagut.

Naleqqamiit tapersersorpagut isuamaqaratta Eqqumiitsuliortortagut tapersersortariaqarigut aammalu nunap inuisa piginnaasaqarfii tapersersortariaqarippu ineriartornissaanullu aqqutissiueqataalluta.



Namminersorlutik Oqartussat kommuninilu Kulturikkut, ilinniartitaanikkut, isumaginninnikkut, peqqinnissaqarnikkut aammalu inissialionermut sanaartugassanut illorsuaatitsinnik kusassaasarneq illoqarfitsinnik uummaarinnerulersitsisarlungu kajuminnarnerulersitsisinnaavoq. Eqqumiitsuliorneq taassumalu ataani ilusiliisarneq, illorsuarnik ataasiakkaanik illoqarfiullu iluanik kinaassusiliisarpoq. Kulturitsinnik qaffassaaqataapput inooqatigiinnikkullu kulturikkullu ataqatigiissutsimik pilersitseqataasarlutik, tamanna siunnerfigineqartoq tapersorsorluinnarparput Naleqqamiit.

Uanilu saqqummiunneqartumi Naleqqamiit tapersorsuilluta inissinitsinni NUNAQARFIIT ilanngunneqarnissaat kissaatigaarput sakkortuumik naqissuserlugu allanneqassasoq, isumaqaratta nunaqarfiit inatsiliortoqartillugu puigorneqartarmata, uani aamma puigorneqalernerat akuerinatigu taamatut Naleqqamiit piumasaqateqateqarnerput neriuutigilluinnarparput tapersorsorneqassasoq aammalu atatsimiititaliami oqaluuserineqarluni isumaliutissiisummi ilanngunneqassasoq Naalakkersuisunut toqqammavisseeqataalluni qulakkeerneqarnissaa eqqarsaatigalugu NUNAQARFIIT ilanngullugit iliuuseqarfigineqarnissaat illoqarfiit allaqqasumut naqissuserneqarnissaa qulakkeerneqarniassammat.

Isumassarsiaq una aatsaat saqqummiunneqanngilaq, kisiannili isumassarsiaq pitsaasuuvoq aammalu eqqumiitsuliortunut periarfissiisussaasoq anguniagaq pitsaalluinnartuusoq Naleqqamiit tamakkiisumik tapersorsorparput illorsuaatitsinnik kusassaasarneq illoqarfitsinni nunaqarfitsinnilu uummaarinnerulersitsisarlungu kajuminnerulersitsisusaavoq, tamannalu kinaassuseqarnitta ataatsimoorfeqarnitta ersiutaanik pilersitsiinnassanngilaq, anersaakkut pisuussuteqarnerput ataatsimoorfippat atatsimooritsinnut nukittuunngortitsartussat inuit imminnut kinnaasseqarnitsinnut ataatsimooritsiffiusut nukittorsarlugillu atorneqarnerunissaat Naleqqamiit peqataaffigissuagut tapersorsorlugillu, taamaammat siunnersuutit marluk uku ataatsimut eqqartugassaangortinneqartut taperserpagut isumaqarpugullu siunnersuut aningaasalersornissaanik siunnersuutaasoq assut toqqammavissiisoq aningaasaliisarnissamut qulakkerinnilluni tikkuussiffiussammat, ilami inatsiliuinnaraluarutsigu aningaasalersornagulu asuliaasit toqqorneqaannassaaq pujoralatserluni uninngaannalertussaalluni inatsit aningaasalerneqanngikkuni, taamaammat inatsiliuinnarata aningaasalersornissaa ilanngullugu siunnerfeqarneq uagut Naleqqamiit tamakkiisumik tapersorsorparput, tamannalu allannguilluni qanoq isumaqaannarunnaarfiulluni qanoq iliuuseqalernissamik alloriarfiussammat neriuutigeqaarput iluatissasoq.



Eqqumiitsuliat ataatsimoortissavaatigut inuiattut aammalu avatangiiserisarpur anersaakkut pissarsiffiusartussaamat inuiattut nukittorsartassavaatigut aammalu kulturitta nukittorsartuarnissaa aqutissiusavaa kinaassueqarnerput nukittorsarneqassaaq aammalu tamakku inuit piginnaanillit suliaat tulluusimaarutigisarsinnaassuagut inuiaqatigiinni sumiiffinni assigiinngitsumi piulerpata aammalu tikeraanut kinaassuseqarnitsinnut takussutissiisartussaallutik.

Illoqarfitsinnik nunaqarfitsinnilu eqqumiitsuliortortatta kusassaallutik
uummaarinnerulersitsisunngortitsisalernissaat takujuminarsaataassaqaat aammalu
kajuminnarnerulersitsisussaavoq eqqumiitsuliortutta pikkorilluinnartut
inuutissarsiuuteqalernissaanut taamatut eqqumiitsuliorneq taassumalu ataani ilusiliisarneq
inerisarneqassaaq aningaasalersorneqarluni, anigaasaliinerillu aningaasarsiornermut
iluaqutaassapput, kisianni aningaasartuutaaginnassanngillat iluaqutissaqaqimmata, inunnik
takujuminartuuginnassanngillat aammali pulaartut tikeraat allallu aamma qularnanngitsumik
alakkartassavaat nunarsuarmioqatitsinnullu nunarsuarmioqataalluta avammut kiinnertarnitsinnut
aamma iluaqutaalersussaapput inuit piginnaaneqarluinnartut suliarisimasaat.

Taamatut Naleqqamiit oqaaseqaateqarluta siunnersuutit marluk tamakkiisumik tapersorsorlutigit ataatsimiititaliami sukumiisumik suliarineqarnissaat innersuussutigarpur.